

# Im Doorf diheim

Autor(en): **Hägni, Rudolf**

Objektyp: **Article**

Zeitschrift: **Schwyzerlüt : Zyttschrift für üsi schwyzerische Mundarte**

Band (Jahr): **18 (1955-1956)**

Heft 1 [i.e. 2]

PDF erstellt am: **16.07.2024**

Persistenter Link: <https://doi.org/10.5169/seals-186045>

## **Nutzungsbedingungen**

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern. Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden. Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

## **Haftungsausschluss**

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

## Im Doorf diheim

*Es gscheend kä blai Wunder  
Bin öis im Doorf diheim,  
Es mues si jede rode,  
I d Schooss fallt s Glück e keim.*

*Di einte chömed fürschi,  
Die andere blybed staa;  
Mit eim gaads hinen abe,  
Er ischt en gschlaagne Maa.*

*Die einte gönd graad naae,  
Diss nämeds nüd so gnau,  
Si vörteled und finded,  
E därewääg göngs au.*

*Die einte, die sind zfride,  
Wänns ä nu wenig händ,  
Und diss händ nüd als z chlaage,  
Wills eister na meh wänd.*

*Die einte mag me lide,  
Diss hät men uf em Strüch,  
Mer hächlet denand dure,  
Deet händs allzäme glych.*

*Men äärgeret si und freut si,  
Läbt zlieb denand und zleid.  
Und wänns den einte schlächt  
gaad,  
Gids därig, si händ Freud!*

*Er gseend, es gaad diheime  
Wie dussen i der Wält:  
Die einte händs gäärn gmüetli,  
Diss hocked uf em Gäld.*

*Was söli suscht na sääge?  
Es tunkt mi, es sötts tue!  
Wäner na meh wänd wüsse,  
So chömed nu vürzue!*

## De Peter und d Lise

*D Frau, my Frau, heisst Lisebeet,  
Und iich bi de Peter,  
Staan ufs Nüüniässen uuf,  
D Lisebeet chund spöoter.*

*Schaffe tuen i nüd so gäärn,  
Bi halt e chli schwächli,  
D Lisebeet häds au esoo,  
Mag chuum ires Sächli.*

*S nimt si mängsmaal schüüli  
zwääg,  
Mags schier nüd preschtiere.  
Si häds eben uf em Häärz  
Und iich uf de Niere.*

*Ässe mag i gottloob glych,  
S tunkt mi all Taag besser.  
D Lisebeet häds au esoo,  
Sind zwee tüchtig Ässer.*

*Wänns au eister nidsi gaad,  
Hämer doch na z lääbe,  
D Lisebeet häd e chli Gäld  
Und iich en Blätz Rääbe.*

*Wänn dänn nüüd meh umen ischt,  
Tüe mer halt verchaufe,  
D Lisebeet häds ä scho gseid,  
S chömm scho eine z laufe.*

## D Stedtler

*Wie d Stedtler sind:  
Verwönt wie Chind!  
Wänn nüd de ganz Taag öppis  
laufft,  
meinte jede scho, er sey  
verchaufft,  
er geinet und ischt hässig  
und lueget suur wien Essig!*